

ORDENANZA REGULADORA DA TAXA POR OCUPACIÓN DE TERREOS DE USO PÚBLICO LOCAL CON VALOS, ESTADAS, GUINDASTRES E OUTRAS INSTALACIÓNS ANÁLOGAS

Artigo 1º Fundamento e Natureza

Este Concello conforme ao autorizado polo artigo 106 da Lei 7/85, do 2 de abril, reguladora das Bases do Réxime Local e de acordo co previsto no artigo 20,3,g) da Lei 39/88, do 28 de decembro, reguladora das Facendas Locais, establece a taxa por ocupación de terreos de uso público local con mercadorías, materiais de construción, cascallos, valos, puntais, argolas, estadas e outras instalacións análogas, que se regulará pola presente ordenanza, redactada conforme ao disposto no artigo 16 da Lei 39/88 citada.

Artigo 2º Feito Impoñible

1. Constitúe o feito imponible desta taxa a ocupación de terreos de uso público local con:

Valos, estadas, guindastres, básculas e outras instalacións adecuadas para protección da vía pública das obras lindeiras.

2. Cando con ocasión dos aproveitamentos regulados nesta ordenanza producísense danos no pavimento, instalacións da vía pública ou bens de uso público, os titulares daqueles están obrigados a reparar ou reconstruír os danos causados con independencia do pago da taxa. Se os danos fosen irreparables o Concello será indemnizado. A indemnización fixarase nunha suma igual ao valor das cousas destruídas.

Artigo 3º Debeño

A obrigación de contribuír nacerá pola ocupación do dominio público local, autorizada na correspondente licenza ou desde que se inicie o aproveitamento, se se procedeu sen a oportuna autorización.

Artigo 4º Suxeitos Pasivos

Serán suxeitos pasivos contribuíntes, as persoas físicas ou xurídicas, así como as entidades a que se refire o artigo 33 da Lei Xeral Tributaria, a quen se autorice para efectuar o aproveitamento especial do dominio público local.

Artigo 5º Base Impoñible e liquidable

A base estará constituída polo tempo de duración dos aproveitamentos e pola superficie en metros cadrados ocupada.

Artigo 6º Cota tributaria

A tarifa para aplicar será a seguinte:

1. Ocupación da vía pública con valos, estadas, ou calquera outras instalacións análogas, por metro cadrado ou fracción e semana: 150 ptas.
2. Ocupación da vía pública con básculas ao ano: 500 ptas.
3. Ocupación da vía pública con aparellos chafarices de gasolina, por m2 e ano: 600 ptas.
4. Ocupación da vía pública con guindastres utilizados na construción:

Os 6 primeiros meses, cada mes: 3.000 ptas.

A partir do 6.º mes e ata o ano, cada mes: 5.000 ptas.

A partir do ano, cada mes: 10.000 ptas.

5. Outras instalacións distintas das incluídas nas tarifas anteriores:

Por cada metro cadrado ou fracción ao semestre: 150 ptas.

A partir do 6.º mes, ao semestre: 300 ptas.

6. Cando o valo que se coloque exceda de catro metros de altura, a cota para liquidar recargarase co 100 por 100 por cada catro metros ou fracción deste exceso.

Artigo 7º

As cotas esixibles por esta taxa serán irreducibles polos períodos de tempo sinalados na tarifa.

Artigo 8º Responsables

1. Serán responsables solidariamente das obrigacións tributarias establecidas nesta ordenanza toda persoa causante ou colaboradora na realización dunha infracción tributaria. Nos supostos de declaración consolidada, todas as sociedades integrantes do grupo serán responsables solidarias das infraccións cometidas neste réxime de tributación.

2. Os copartícipes ou cotitulares das herdanzas yacentes, comunidades de bens e demais entidades que, carentes de personalidade xurídica, constitúan unha unidade económica ou un patrimonio separado, susceptible de imposición, responderán solidariamente e en proporción ás súas respectivas participacións das obrigacións tributarias das devanditas entidades.

3. Serán responsables subsidiarios das infraccións simples e da totalidade da débeda tributaria en caso de infraccións graves cometidas polas persoas xurídicas, os administradores daquelas que non realicen os actos necesarios do seu incumbencia, para o cumprimento das obrigacións tributarias infrinxidas, consentisen no incumprimento por quen dependa deles ou adopten acordos que fixesen posible as infraccións. Así mesmo, tales administradores responderán

subsidiariamente das obrigacións tributarias que estean pendentes de cumprimentar polas persoas xurídicas que cesasen nas súas actividades.

4. Serán responsables subsidiarios os síndicos, interventores ou liquidadores de quebras, concursos, sociedades e entidades en xeral, cando por negligencia ou mala fe non realicen as xestións necesarias para o total cumprimento das obrigacións tributarias devengadas con anterioridade ás devanditas situacións e que sexan imputables aos respectivos suxeitos pasivos.

Artigo 9º Exencións, reducións e demais beneficios legalmente aplicables

De conformidade co disposto no artigo 9 da Lei 39/88, do 28 de decembro, non se recoñece beneficio tributario algún, salvo os que sexan consecuencia do establecido nos Tratados ou acordos internacionais ou os previstos en normas con rango de lei.

O Estado, as comunidades autónomas e as entidades locais non estarán obrigados ao pago das taxas por utilización privativa ou aproveitamento especial do dominio público polos aproveitamentos inherentes aos servizos públicos de comunicacións que exploten directamente e por todos os que inmediatamente interesen á seguridade cidadá ou á defensa nacional.

Artigo 10º Normas de xestión

O tributo liquidarase por cada aproveitamento solicitado e conforme á vez que o interesado indique ao pedir a correspondente licenza. Se o tempo non se determinase seguiranse producindo liquidacións pola Administración municipal polos períodos irreducibles sinalados nas tarifas, ata que o contribuínte formule a pertinente declaración de baixa.

O ingreso realizarase, mediante autoliquidación, a formular polo interesado no impreso aprobado pola Alcaldía, na caixa da corporación ou entidades que se determinen, e terá o carácter de depósito previo. Toda solicitude de licenza para que poida ser admitida a trámite, deberá de acompañarse dun xustificante do depósito previo. A liquidación practicada conforme ás normas anteriores, elevarase a definitiva unha vez que recaia resolución sobre o expediente, e se esta fose denegada o interesado poderá instar a devolución do depósito constituído.

Artigo 11º

As persoas naturais ou xurídicas interesadas na obtención dos aproveitamentos regulados nesta ordenanza, presentarán no Concello solicitude detallada da súa natureza, tempo e duración do mesmo, lugar exacto onde se pretenden realizar, sistema de delimitación e en xeral cantas indicacións sexan necesarias para a exacta determinación do aproveitamento desexado.

Artigo 12º

De non determinarse con claridade a duración dos aproveitamentos, os titulares das respectivas licenzas, presentarán no Concello a oportuna declaración de baixa ao cesar naqueles, a fin de que a Administración municipal deixe de practicar as liquidacións das cotas. Quen incumpra tal obrigaón seguirán suxeitos ao pago do tributo.

Artigo 13º Infraccións e sancións tributarias

En todo o relativo á cualificación de infraccións tributarias e sancións, ademais do previsto nesta ordenanza, estarase ao disposto nos artigos 77 e seguintes da Lei Xeral Tributaria e demais normativa aplicable.

Disposición final

A presente ordenanza fiscal entrará en vigor o mesmo día da súa publicación no Boletín Oficial da Provincia e será de aplicación a partir do 1 de xaneiro de 1999, permanecendo en vigor ata a súa modificación ou derogación expresas.